

1.13 ҮНЭТ ЦААС ГАРГААН САНХҮҮЖҮҮЛЖ ҮЙЛ АЖИЛЛАГААГ ХЭРЭГЖҮҮЛЭХ ЭРХ ЗҮЙН ҮНДЭСЛЭЛ

Үнэт цаас гаргагч компани нь ачаа шилжүүлэн ачих Терминалын үйл ажиллагаа эрхлэхэд шаардлагатай дараах зөвшөөрлүүдийг авсан.

- Үнэт цаас гаргагч нь 2010/12/17-ны өдөр ачаа шилжүүлэн ачих үндсэн үйл ажиллагааны чиглэл болон 3,850,000,000 төгрөгийн дүрмийн сантайгаар 9019059011 бүртгэлийн дугаар бүхий Улсын бүртгэлийн гэрчилгээг авсан.
- Үнэт цаас гаргагч нь “Төмөр замын тээврийн тухай” хууль, Монгол улсын холбогдох стандарт, Төмөр замын тээврийн нийтлэг багц дүрмийн шаардлагыг хангасан учир “Улаанбаатар төмөр зам”-аас дагнасан хэрэглээний салбар зам ашиглахыг зөвшөөрч 2011/03/03 өдөр Код О-2-3, №119 тоот төмөр замын тээврийн объектын гэрчилгээ олгосон.
- Үнэт цаас гаргагч нь Дорноговь аймгийн Замын-Үүд сумын 1-р багт байрлах 50000 м² газрыг 15 жилийн хугацаатайгаар үйлчилгээний зориулалтаар эзэмшүүлэхээр 0208339 дугаар бүхий газар эзэмшихээр эрхийн гэрчилгээг авсан.
- Ачиж буулгах цогцолборын зориулалттай агуулах, 402 м, 365 м урттай 2 салаа төмөр зам, харуулын байр /1,2/, ахуйн барилга зэрэг Y-0714001097 дугаарт үл хөдлөх хөрөнгийн гэрчилгээг авсан.
- Гаалийн Ерөнхий Газрын даргын №475 тоот тушаалаар компанийн Дорноговь аймгийн Замын-Үүд сумын 1-р багт байрлах барааг шилжүүлэн ачих зориулалт бүхий 5 га талбайг гаалийн хяналтын бүсээр тогтоосон.

Үйл ажиллагааны үндсэн чиглэлтэй холбоотой дараах хууль, журам, стандартуудыг дагаж мөрдөнө.

I. АЧААНЫ ТЕРМИНАЛЫН МОНГОЛ УЛСЫН СТАНДАРТ

Стандарчлал, Хэмжилзүйн Үндэсний зөвлөлийн 2007/12/20 өдрийн №58 тоот тогтоолоор улс хоорондын болон хот хооронд тээвэрлэх ачааг хүлээн авах, боловсруулах /савлах, багцлах, ангилах г.м./, хадгалах, түгээх, ачих, буулгах зэрэг үйл ажиллагааг эрхлэх, зохион байгуулахад дагаж мөрдөх нийтлэг журам тогтоох, төрийн захиргааны болон бусад байгууллагаас хяналт тавих, ажил үйлчилгээнд үүсэх харилцааг зохицуулах стандартыг батласан. Уг стандартын хурээнд

Aчааны Терминалд тавих шаардлага

- Улс хоорондын холимог тээвэрлэлтэнд ачааны терминал нь ачааг цуглуулах, хүлээн авах, хадгалах, боловсруулах, түгээх, ачиж буулгах, мэдээлэл цуглуулах, дамжуулах ба солилцох, даатгал, гаалийн бүрдүүлэлт хийх зэрэг нэг цэгийн үйлчилгээ үзүүлэх дотоод бүтэцтэй байна.
- Ажил үйлчилгээ явуулахдаа хүрээлэн буй орчин, хүн амд серөг нөлөөгүй, галын болон аюулгүй ажиллагааны шаардлага хангасан,



1.13 ҮНЭТ ЦААС ГАРГАН САНХҮҮЖҮҮЛЖ ҮЙЛ АЖИЛЛАГААГ ХЭРЭГЖҮҮЛЭХ ЭРХ ЗҮЙН ҮНДЭСЛЭЛ


- Хөдөлмөрийн эрүүл ахуй, тав тухтай ажиллах орчин, нөхцөлийг бүрдүүлсэн байна.
- Терминал нь дотооддоо техникийн аюулгүй ажиллагаа, үйлчилгээний соёл, ариун цэвэр, эрүүл ахуй, хөдөлмөр хамгааллын стандарт, заавар, журмыг мөрдөнө.
- Үйлчилгээний танхим, ажлын байр, техник хэрэгслээр хангагдсан, олон улсын болон дотоодын мэдээлэл, холбооны сүлжээнд холбогдсон байна.
- Тээврийн хэрэгсэл, өргөх, зөөвөрлөх хэрэгслийн техникийн үйлчилгээ, засварын байр зэрэг шаардлагатай тоног төхөөрөмжтэй байна.
- Ачааны терминал нь үйлдвэрлэл, үйлчилгээний зориулалтын дараах барилга, байгууламж, техникийн баазтай байна. Үүнд:
 - албан ажлын болон үйлчилгээний барилга,
 - агуулах, түүний байгууламжууд,
 - үйлчилгээний зам, талбай, зогсоол,
 - өргөж зөөвөрлөх болон технологийн тоног төхөөрөмж, багаж хэрэгсэл, тэдгээрийн техникийн баазаар хангагдсан байх.

II. ГААЛИЙН ХЯНАЛТЫН БУСИЙН ЖУРАМ

Гаалийн ерөнхий газрын даргын 2008/10/06 өдрийн №619 тоот тушаалаар Гаалийн Хяналтын бусийн журмыг баталсан.

Гаалийн хяналтын бусд тавигдах шаардлага

- Гаалийн хяналтын бусэд орох, гарах хаалганаас бусад газраар бараа, тээврийн хэрэгсэл, бие хүн нэвтрэх боломжийг хаасан хашаа татсан байна.
- Гаалийн хяналтын бус нь Монгол улсын стандарт /MNS 5832:2007/-д нийцсэн байх
- Чингэлэгээр тээвэрлэгдсэн бараа тээврийн хэрэгслийг шалгах гаалийн хяналтын бусийн хэмжээ нь гаалийн хяналт шалгалт явуулах шаардлага хангасан байх
- Төмөр замын дагуу байрлах гаалийн хяналтын бус нь ачиж буулгах барааны хэмжээ, нэр төрөл, тээврийн хэрэгслийн тоог улирал бүрийн эхний сарын 10-ны дотор харьялах гаалийн байгууллагад өгч сараар тодотгол хийж байх
- Гаалийн байгууллагатай мэдээллийн сүлжээнд холбогдон гаалийн хяналтын бусэд гаалийн хяналт тавихад шаардагдах техник, тоног төхөөрөмж суурилуулсан байна.



1.13 ҮНЭТ ЦААС ГАРГАН САНХҮҮЖҮҮЛЖ ҮЙЛ АЖИЛЛАГААГ ХЭРЭГЖҮҮЛЭХ ЭРХ ЗҮЙН ҮНДЭСЛЭЛ

- Гаалийн хяналтын бүсийн үйл ажиллагаа эрхлэгч гаалийн хяналтын бүсэд оруулсан, гаргасан бараа, тээврийн хэрэгслийн мэдээг сар бүр гаргаж, дараа сарын 5-ны дотор хяналт тавьж буй гаалийн байгууллагад гаргаж өгнө.

Гаалийн хяналтын бүсэд дараах үйл ажиллагаа явуулахыг хориглоно.

- Гаалийн хяналтын бүсэд зөвшөөрөгдснөөс бусад газраар нэвтрэх бараа, тээврийн хэрэгсэл хүн нэвтрүүлэх
- Гаалийн хяналтын бүсэд гаалийн байгууллагын зөвшөөрөлгүй бараа тээврийн хэрэгсэл хүн нэвтрүүлэх
- Гаалийн байгууллагаас зөвшөөрснөөс бусад үйл ажиллагаа явуулах
- Гаалийн хяналтын бүс, гаалийн хилийг тодорхойлсон анхааруулга, тэмдгийг эвдэх, гэмтээх, өөрчлөх, хяналтын бүсэд нийгмийн хэв журам алдагдуулах
- Гаалийн байгууллагын зөвшөөрөлгүйгээр аж ахуйн зориулалтаар байр талбай түрээслүүлэх, аж ахуйн үйл ажиллагаа явуулах

III. ДАГАЖ МӨРДӨХ БУСАД ХУУЛЬ ТОГТООМЖУУД

Хөдөлмөрийн харилцааг зохицуулж буй хууль тогтоомж:

1. Иргэний хууль,
2. Хөдөлмөрийн тухай хууль,
3. Ажиллах хүч гадаадад гаргах, гадаадаас ажиллах хүч, мэргэжилтэн авах тухай хууль,
4. Нийгмийн даатгалын тухай хууль,
5. Нийгмийн даатгалын сангаас олгох үйлдвэрлэлийн осол, мэргэжлээс шалтгаалсан өвчний тэтгэвэр, тэтгэмж, төлбөрийн тухай хууль
6. Хөдөлмөрийн аюулгүй байдал, эрүүл ахуйн тухай хууль
7. Хөдөлмөрийн хөлсний доод хэмжээний тухай хууль
8. Нийгмийн даатгалын тухай хуулиудыг хэрэгжүүлэх талаар авах арга хэмжээний тухай ЗГ-ыг тогтоол
9. ЗГ-ын тогтоол Журам батлах тухай "Ажлын цагийг нэгтгэн бodoх журам", "Хөдөлмөрийн маргаан таслах комиссын дүрэм",
10. Аж ахуйн нэгж, байгууллагад хөдөлмөрийн аюулгүй ажиллагаа, эрүүл ахуйн ажлыг зохион байгуулах журам /Эрүүл мэнд, Нийгмийн хамгааллын сайдын хамтарсан тушаал/ г.м

Хөдөлмөрийн харилцааг зохицуулж буй хууль тогтоомжийн зорилго нь хөдөлмөрийн гэрээний үндсэн дээр хөдөлмөрийн харилцаанд оролцогч ажилтан, ажил олгогчийн нийтлэг эрх, үүрэг, хамтын гэрээ, хэлэлцээр, хөдөлмөрийн ганцаарчилсан ба хамтын маргаан, хөдөлмөрийн нөхцөл, удирдлага, хяналт болон хууль тогтоомж зөрчигчид хүлээлгэх хариуцлагыг тодорхойлж талуудын харилцан эрх тэгш байдлыг хангахад оршино.



1.13 ҮНЭТ ЦААС ГАРГАН САНХҮҮЖҮҮЛЖ ҮЙЛ АЖИЛЛАГААГ ХЭРЭГЖҮҮЛЭХ ЭРХ ЗҮЙН ҮНДЭСЛЭЛ

3. Аж ахуйн нэгж, байгууллагын татвартай холбоотой харилцаа нь дараах хууль тогтоомжоор зохицуулагдаж байна.

Эдгээрээс дурьдвал,

1. Татварын ерөнхий хууль,
2. Аж ахуйн нэгжийн орлогын албан татварын тухай хууль,
3. Онцгой албан татварын тухай хууль,
4. Нэмэгдсэн өртгийн албан татварын тухай хууль,
5. Үл хөдлөх эд хөрөнгийн албан татварын тухай хууль,
6. Татварын өршөөл үзүүлэх тухай хууль,
7. Нягтлан бодох бүртгэлийн тухай хууль,
8. ҮТЕГ-ын даргын тушаал “Аргачлал батлах тухай” /Аж ахуйн нэгжийн орлогын албан татварын тухай хуулийг хэрэгжүүлэх аргачлал/ г.м

Татварын ерөнхий хуулиар Монгол Улсад татвар бий болгох, тогтоох, ногдуулах, тайлгаха, төлөх, хянан шалгах, хураах эрх зүйн үндсийг тогтоож, татвар төлөгч болон татварын албаны эрх, үүрэг, хариуцлагыг тодорхойлон тэдгээрийн хооронд үүсэх харилцааг зохицуулна.

Аж ахуйн нэгжийн орлогын албан татварын тухай хуулиар аж ахуйн нэгж, байгууллагын дараах төрлийн орлогод албан татвар ногдоно:

- I. Үйл ажиллагааны орлого /Аж ахуйн нэгжийн орлогын албан татварын тухай хуулийн 8.1.1-8.1.11-т заасан орлого/
- II. Хөрөнгийн орлого /Аж ахуйн нэгжийн орлогын албан татварын тухай хуулийн 9.1.1-9.1.4-т заасан орлого/
- III. Хөрөнгө борлуулсны орлого /Аж ахуйн нэгжийн орлогын албан татварын тухай хуулийн 10.1.1-10.1.2/

Онцгой албан татварын тухай хуулиар эх орны үйлдвэрийн болон импортоор авсан зарим бараа, түүнчлэн төлбөрт таавар, бооцоот тоглоомын үйл ажиллагаанд ашиглагдаж байгаа тусгай зориулалтын техник хэрэгсэл, тоног төхөөрөмж болон энэхүү үйл ажиллагааг эрхлэн явуулж байгаа хувь хүн, хуулийн этгээдэд онцгой албан татвар ногдуулна. Зарим бараа гэдэгт бүх төрлийн согтууруулах ундаа, бүх төрлийн тамхи, автобензин, дизелийн түлш судлын автомашин хамаарна.

Нэмэгдсэн өртгийн албан татварын тухай хуулиар дор дурьдсан бараа, ажил, үйлчилгээнд нэмэгдсэн өртгийн албан татварыг 0-10 хувиар тооцож ногдуулна.
Үүнд:

- I. Монгол Улсын нутаг дэвсгэрт борлуулсан бүх төрлийн бараа;
 - II. худалдах, хэрэглэх буюу ашиглах зориулалтаар Монгол Улсын нутаг дэвсгэрээс гадаад улсад экспортолсон бүх төрлийн бараа;
 - IV. Худалдах, хэрэглэх буюу ашиглах зориулалтаар гадаад улсаас Монгол Улсын нутаг дэвсгэрт импортолсон бүх төрлийн бараа;
 - V. Монгол Улсын нутаг дэвсгэрт гүйцэтгэсэн ажил, үзүүлсэн үйлчилгээ.
- Мөн хуульд нэмэгдсэн өртгийн албан татвараас чөлөөлөх, татвар ногдох боловч “тэг” хувь байх бараа, ажил, үйлчилгээний жагсаалтыг тусгасан байна.

Э-ТРАНС
ЛОГИСТИКС

